



In dumënia ai 01 de Aurí é gnü sughé la secunda partida dl ritorno dl campionat 2011/2012 de 3° categoria por La Val. La partida é gnüda sugada fora de cíasa cuntra la squadra da Neustift, che á batü i prüms da Aicha l'ultima partida.

Por La Val ne ora sceco nia ester te campionat. Ince cuntra Neustift mëss La Val jí a cíasa cun les mans ötes, purdon 3 a 0. Insciö sâral bimbo rî che La Val pois ciamò se sughé fora i prüms dui posé dl campionat. Mo la speranza resta, deache tl calcio ne san mai. La Copa Provincia sará insciö le obietîf prinzipal.

Sön le campo da Vahrn á metü man La Val la partida nia mal, ai é stè bugn ti prüms menüc da costruì en perd de beles aziuns. Mo ala conclujiun te porta é ma ruvé en iad Ivan y dopo Stefan cun dui tiri fora dal area, che le portier á parè zënza dificulté.

Fora de nia rōia spo en lancio de en defensur dl Neustift sön i pisc dl atacant, che rōia da sú cuntra porta. Le portier da La Val Merch vëgn fora cun na "uscita" e se scontrëi cuntra l'atacant. L'arbitër zënza ponsè dô fischîa le rigore. Insciö se porta Neustift sön le 1 a 0. Püch dedô ti garetel al medemo atacant en "eurogol". Bunamënter urôl fá ite en cross sön le palo lunch, mo la pala rōia bel avisa tl incrocio dla porta y dô avëi atuchè le palo rōia le pal te porta, en beliscimo gol dl Neustift.

Sön chësta mazada é La Val che rōia fora dla partida y ne é nia plü bugn da sughé en bel calcio. Le prüm tēmp se stlūsc jō sön le 2 a 0 por Neustift.

Tl secundo tēmp é Neustift che se stlūsc tröp ia dedô, mo ai é trê prigorusc sön i contropiedi. Bel avisa insciö ti garetel spo le gol che stlūsc jō la partida. Sön en contropiede rōia en sogadú dl Neustift cuntra le portier, cun en tiro bas dlungia le palo ite fejel spo le gol.

Ala fin dl secundo tēmp é ciamó Frenes Daniel che vëgn espulso sön soma de amoniziuns.

La partida se stlūsc jō sön le 3 a 0.

Cun chisc trëi puné lascia sön trú toma La Val zoruch al 7. post.

La formaziun titolara: Vallazza Merch, Castlunger Marco, Alton Alex, Tavella Jordan, Vallazza Paolo, Frenes Daniel, Sottara Stefan, Tschaffert Ivan, Rubatscher Romeo, Frenes Micky y Rubatscher Florian.

□

Sostituziuns:

Elzenbaumer Alex por Rubatscher Florian

Miribung Adrian por Tschaffert Ivan